

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIIII

Iesus inimicis suis it obuius Arti. & Hom. VIII.

[urn:nbn:de:hbz:466:1-47113](https://nbn-resolving.de/urn:nbn:de:hbz:466:1-47113)

Sudor sanguineus unde. timorem illum & trepidationem sensualitatis humanam vicit, vnde totus sanguis Christi exhilaratus commouebatur, quasi paratus effluere ex vi impellentis amoris, atque de corde Christi in totum corpus redundantis. Itaque pro desiderio humanæ salutis, pro feroore & excessu nimiae charitatis, Christus sudauit sanguinem. Hoc enim desiderium, puta redempcionis nostra, tanto æstuabat in ipso vehementius, quo erat morti Christus vicinior. O quam amara, quam anxia fuit mors Christi exhibita, si imaginatio sola naturam eius totam adē concussit arque commouit, ut sanguinem pro sudore emitteret. Inspice itaque tu mitissimi illius cordis pressuram qua angebatur, quando totum corpus sanguinem sudabat. Neque enim corpus sudaret, nisi cordis anxietas sudorem excitaret. Vide igitur quomodo p̄f̄s̄m̄s̄ Iesu angustia plenus, nusquam inuenit requiem. Nunc enim inter manus, nunc in terram caput reclinat, propter cordis internam pressuram, propterea in Psalmo loquens, dicit: Factum est cor meum tanquam cera liquef̄cens in medio ventris mei. Peracto agone, rediit Iesu ad discipulos, &c. dicens: Dormite, &c.

Mortis Christi amaritudo quanta.

Psalm. 21.

Lachryma devotionis & compassionis uti excitande.

Orandum esse attente & seruenter.

Martyribus quomodo fuerit delectabile mori

Docemur in oratione nostra esse attenti & seruentes. Videmus enim quam attenus fuerit Dominus, vt sanguineum sudaret sudorem. Verum quia nos sanguineum sudorem non emitimus, saltem pro sanguine lacrymas emittamus. Maximè enim Deo placent illæ lachrymæ, quæ pro eius compassionē funduntur. Iterum consolamur quoq; hic. Nam quomodo martyres sancti libenter mortui sunt pro Christo, propter eiusdem amorem, licet secundūm naturam & sensum carnis nequaquam eos delectabat mori, quando voluissent potius non mori: veruntamen quia seipso tolos subiecerant Deo, etiam hanc voluntatem Deo subiiciebant. Superabant igitur se, vt hoc secundūm naturam non erat voluntarium, per Christi amorem sibi redderetur voluntarium. Quamobrem affectus viuendi, aut moriendi timor naturalis, non solum illis non nocuit, sed profuit etiam multū: quippe qui occasio illis erat se vinclandi. Nam si secundūm sensum carnis delectabile illis fuisset mori, quemadmodum est comedere auribibere, quid meruissent? Hoc modo te ipsum consolare, si repugnantiam, si grauitatem, aut frigiditatem in Dei seruicio sentis, fac inuitus hanc sentias, & rationalis voluntas ediuerso agat quæ sua sunt, sensualem affectum tepiditatemque & acediam vincens, & se cogens ad exequendam non sui sensus sed Domini voluntatem.

Ad tempus matutinum Passionis Christi.

IESUS INIMICIS SVIS IT OBVIUS.

Articulus VIII.

Math. 26.
Marc. 4.
Lucæ 2.
Ioan. 18.

Tunc ait discipulis suis, dicens: Sufficit. Ecce venit hora vt tradatur filius hominis in manus peccatorum. Surgite, eamus. Ecce qui me tradet, propè est. Adhuc eo loquentे, ecce turba multa cum gladijs & fustibus missi à principibus

pibus sacerdotum & senioribus populi & scribis. Et qui vocabatur Iudas unus de duodecim antecedebat eos. Qui autem tradidit eum dedit eis signum, dicens: Quemcumque osculatus fuero ipse est, tenete eum, & ducite caute. Iudas ergo cum accepisset cohortem, & a pontificibus & phariseis ministros, venit illuc cum laternis, facibus, & armis. Iesus itaque sciens omnia quae ventura erant super eum, processit & dixit eis: Quem queritis? Responderunt ei, Iesum Nazarenum. Dixit ei Iesus, Ego sum: Stabat autem Iudas qui tradebat eum cum ipsis. Vt ergo dixit eis: Ego sum, abierunt retrorsum & ceciderunt in terram. Iterum ergo interrogauit eos, Quem queritis? Illi autem dixerunt, Iesum Nazarenum. Respondit Iesus, Dixi vobis, quia ego sum. Si ergo me queritis, finite hos abire, ut impleretur sermo quem dixit: Quia quos dedisti mihi, non perdidi ex eis quenquam.

HOMILIA VIII.

Cum paululum dormissent discipuli indulto somno a Christo, ab eodem denuo excitantur, qui praesentiebat Iude & hostium aduentum. A quibus ne improvisi ac subito, ex illorum incursu terrorentur discipuli, eos excitatos præmonuit. Consideranda hic Christi venit misericordia, bonitas & compassio, qui discipulos dormire finit & requiescere, quamdiu hostes abfuerunt, ut vix ante illorum accessum eos suscitaret, ne quietem interrumperet, aut turbaret. *Venit hora, ecce filius hominis tradetur in manus peccatorum.* Sæpenumero tractauerant Iudei, quomodo Christum perderent, sed nihil potuerunt efficere, quia nondum venerat hora eius. Hæc est illa hora, de qua hic loquitur Iesus, & infra illis dicit dum comprehendenteretur: *Sed hec est hora restra.* Hora Christi erat, in qua voluit capi & impie tractari: & Iudæorum hora erat, qua sinebantur malitia præualere in Christum, & quam vellent impie eundem tractare. *Surgite eamus illis obuiam.* Adhuc eo loquente, ecce turba, &c. Considera Iude Iudæorumq; astutiam in malo. Nam muniant se potestate Romanorum & etiam pontificum aduersus plebem, ne rapetur ex eorum manibus, neve a quopiam illi fauente, calumniam paterentur. Iesus autem sciens omnia, &c. Considera tertio omnem illam turbam cum Iuda stantem, occurrente illis Iesu, nemo enim eorum nouerat Iesum, immo nec Iudas agnoscebat, qui tamen alij quos adduxerat, puta satellitibus diaboli, hoc est, milibus Romanis & ministris pontificum, dederat signum, dicens: *Quemcumque osculatus fuero, ipse est, tenete eum, hoc signo simulata amicitia vobis indicare tradere, illis Iesum.* Quem vbi, inquit, vobis tradidero & assi- Matth. 26. Marc. 14. gnauero, ducite caute, quasi dicat: Videte ne vobis elabatur. Ego postquam hoc fecerim, satisfactum puto, nec de ipso me hoc posthac intrromittam. Iam tamen quando Christus obuians, eos interrogauit, & dixit: *Quem queritis?* Ioan. 13. nec Iudas Dominum agnouit, nec alius quispiam ex hostium hac turma. Respondentes itaque Iesu interrogati quem quererent: *Iesum, inquiunt, que-*

Misericordia bonitas
& compas-
sio Christi.
Ioan. 8.10.

Astutia Iude
ac Iudæorum.

rimus Nazarenus. Dicit eis Iesus: Ego sum. Dicente Iesu, Ego sum, quare illum non capiunt: quare manus in illo non iniiciunt: nisi quis nondum illis concessa erat facultas, & quo intelligerent, sua se malitia nihil posse, nisi vltro se ipsum Christus in manus traderet. Discerent quoque, Iesum potuisse liberum abire ex eorum (si voluisset) manibus, quando illum ante oculos stantem prohibiti sunt agnoscere. Quomodo enim liber aut illæsus non potuisset abire, qui per hoc verbum, per quod se quæsitum manifestauit, dicens: Ego sum: tanta virtute omnes qui aderant prostrauit, ut nemo illorum stare potuisset? Quid putas factum esset, si vindicare se voluisset, si eorum verborum vim sustinere non potuerunt, quibus se illis eum quem quererent, esse manifestabat?

**Verba Chri-
sti quantæ
sunt virtutis.**

Matth 25.

Ioan. 18.

Si adeò sunt terribilia verba Christi, nec imp̄ijs ferenda, quando se ipsum obtulit in mortem, quando capi, iudicari & occidi voluit, quam formidanda sunt eius verba, quam grauiter eius sunt audienda verba, quando venturus est iudicare vindicare c̄q; malos? Si tantæ est virtutis verbum, Ego sum, quante erit potestatis. *Ite maledicti in ignem eternum?* Cum itaque surrexissent à terra, denuo q̄ interrogati quem quærerent, iterumq; respondissent ut ante: Dominus Iesus, si, inquit, igitur me queritis, simite hos abire. Considera hic, quia super se Iesus illis potestatem dedit, super apostolis autem nullam prorsus potestatem dedit. Ideo securi potuissent non fugere, hoc enim verbum: *Simite hos abire, fuit eiusmodi virtus, ut nemo illos contra prohibitionem Christi lædere potuisset.*

Voluntariè ut sit patiendum: voluntatis propriæ mala quæ sunt: pax item qualis in aduersis habenda.

**Vt nos vo-
luntarios
offerre de-
beamus ad
paciendum.**

**Neminem
lædi nisi à
seipso.**

1. Petri 3.

**Voluntas
propria vi
sola nocet
homini.**

**Pax vera in
quo cōsistat.**

Docemur Christi exemplo, nos voluntarios offerre ad ea quæ patienda sunt, aut enim Deus ut patiamur vult, aut non vult. Si vult, qui nos sumus, ut audeamus aut præsumamus resistere aut subterfugere? Non subterfugiemus, non euademus, sed facimus ut absque fructu patiamur, quicquid nolentes patimur. Si vero Deus non vult ut patiamur, vniuersus mundus non nocebit nobis, nec poterit quicquam aduersum nos. Omnino igitur diuinæ prouidentiæ nos refugemus, omnino eidem confidamus oportet, & de manu eius quæ nobis eveniunt accipiamus. Stultissimum est fugere à manu Domini. Quo fugies aut fugis? & ubi effugies? ubi euades? tecum portas te ipsum. Vbique te comitantur passiones & infirmitates tuæ. Te ipsum circumfers quounque veneris. Intra te est, non in alio, quod pateris. Quis enim tibi nocebit, si bonus æmulator fueris? Si tu bonus fueris, quis te lædere potest? Non tu te lædas ipsum, & nemo te læderet alius. Vis scire quis te lædit? Tua sola immortificatio, tua propria voluntas, qua non vis pati, qua optatis non vis carere. Tui priuatus amor, quem non niteris extinguere, tibi angustiam facit. Quocunque igitur declinas, nisi ad Dominum configrias, non euades manus eius. Si euadere vis, ad illum confüge! Vbique est tentatio, vbique aduersitas, vbique vasa infirma, vbique imperfectos inuenies homines. Et pax tua non consistit in non sentiendo, sed in patienter tolerando aduersitates. Pax tua non est extra te, sed intrate: & si volueris, in potestate tua. Si te ipsum viceris, omnes inimicos tuos superasti. Neque enim maiorem habemus inimicum, quam nostrum proprium cor, & voluntatem nostram. Quā diue-